

佛說耶祇經

宋居士沮渠京聲譯

無

聞如是一時佛在迦奈國國中有婆羅門大富姓名耶祇奉事九十六種外道以求福祐聞人事佛得富貴長壽安隱度脫生死受福不入三惡道中不更勤苦耶祇自念我不如捨置外道當奉事佛因詣佛所以頭面著地為佛作禮長跪白佛言我本愚癡無所識知竊聞佛道恢弘大慈普濟佛天上天下人中之尊無不安隱者我今欲捨置所事外道歸命於佛願佛哀我當受教誡佛言若今所言大善熟自思之而止惡為善者何憂不得安隱耶祇白佛言今以我所事非真故歸命於佛當哀愍我曹去濁穢之行受佛清淨法言若審爾者大善耶祇便前受五戒一不煞生二者不盜三者不婬四者不兩舌惡口妄言綺語五不飲酒三自歸已起繞佛三匝持齋七日而去自是之後行到他國見人煞生射獵盜人財物耶祇便欲

耶祇經 第三張 經

隨之見好色女人心意貪之見人不是便論道之見人飲酒醉亂便欲退之心不安定更欲悔之自念我不能事是佛法終當還佛五戒即詣佛所叩頭白佛言我前從佛受五戒多所禁害不得從我本意今自思惟欲罷不能事佛佛法尊重非我所能奉事當可得還五戒不於佛意當可介不佛默然不應言未絕口中便有自然鬼神持鐵椎擊耶祇頭破之復有鬼神解脫其衣復有鬼神以鐵鉤就口中移取其舌有婬女鬼神以刀深割其陰有鬼神洋銅液其口中前後左右皆諸鬼神競來分裂其肉如是耶祇眼目鼻口面如土色自然之火燒其身求生不得求死不得鬼神持之甚急佛見之如是哀愍念之因問耶祇汝今者當云何耶祇口噤不能復語但舉手自搏從佛求哀佛便放威神鬼神皆怖而走耶祇便得蘇息更起叩頭前白佛言我心中有是五賊牽我入惡罪中出是惡言今受其罪自我所為違負佛言願佛哀我佛言

耶祇經 第四張 經

得

自汝心口所為當各阿誰耶祇白佛言從今日以往當自改更奉持五戒歲三齋月六齋燒香燃燈供事三尊身口意不敢復犯佛言如是大善自若眼目所見身體所更自作自作善得善心念不善得不善佛者法中之師教人去惡為善後長得度脫諸天及人民愚癡者皆使智慧不更勤苦從今已往改更修善莫得聽心意所為誤人之本佛說經已耶祇心意開解即得須陀洹道歡喜而去耶祇歸家即勅舍中大小皆詣佛所受五戒歲三齋月六齋耶祇便捨家剃頭鬚被袈裟從佛作沙門遂得阿羅漢道

佛說耶祇經

癸卯歲高麗國大藏都監奉
勅彫造

佛說耶祇經

校勘記

- 一 底本，麗藏本。
- 一 三三四頁上一行經名，[資]作「佛說耶祇經」；[南]作「佛說耶祇」。同頁下卷末經名，[資]同。
- 一 三三四頁上六行第一四字「道」，[資]、[磧]、[普]、[南]、[徑]、[清]無。
- 一 三三四頁上一〇行第四字「竊」，[資]、[磧]、[普]、[南]、[徑]、[清]作「實」。
- 一 三三四頁中三行「更欲」，[徑]作「便欲」。
- 一 三三四頁中一〇行「頭破」，[資]、[磧]、[普]、[南]、[徑]、[清]作「頭拍」。
- 一 三三四頁中一二行「移取」，[資]、[磧]、[普]、[南]、[徑]、[清]作「移拔」。同行「深割」，[資]、[磧]、[普]、[南]、[徑]作「探割」。
- 一 三三四頁中一五行「臭咤」，[資]、[磧]作「嗅吒」；[南]、[徑]、[清]作「嗅吒」。
- 一 三三四頁中一八行第二字及同頁下一行第二字「汝」，[資]、[磧]、[普]、

[南]、[徑]、[清]作「若」。